

سُرَاطُ اَمْتَرَا

ولا ياتده ودر سعادته محل
اقامت لربه كوندرك اوزره
سنه لکي ۷۰ التي ايلفي ۴۰
غروشه در اداره خانه دن
التي ايلفي ۳۰ غروشه در
آبونه لر سنه ابتدا سندن
يعني الی او چنبي نومرو دن
اعتباراً بر سنه لك و يا خود التي
آلتي اوله رق قيد اولنور.

سَمْعَةُ مَالِكِي خَتْمِي

محل اداره سی

باب مالی جوارنده ابو .
السعود جاده سنده محمود بك
مطبعه سيدر .
امور اداره و تحرير به متعلق
خصوصات ايچون محمود رضا
افندي نامه مراجعت
اولمليدر درج اولمليان
اوراق اعاده اولماز .
اداره خانه جمع دن ماعد
هركون آجيقدر .

مقالات علميه و فنيه لك واسطه انتشاري ، كلزار ادبياتك مجليه آتاربر

Directeur Mehmed Riza

مديرى : محمد رضا

نومرو ۸۲

سر محردى : توفيق

نسخه سی ۵۰ پاره يه در



لوحة

لوايح الحكم ، دن :

لا بجم

۷

طبیعت بشری ده مرکز اولان هوای خود بسندی یکدیگر ینک اثر و عقلمه تقلید و تبعیته مانع اولدیفندن ارادات قومیه ده بر جهت وحدت بولمدهجه یعنی تربیه ملیه منبع واحدن نشئت ایدوب بر اصل واساسه منتهی اولمدهجه میانه ناسده اتحاد حقیقی قابل اولمیه جفته نظراً افکار و افعالی ممکن مرتبه برلشدیره جک بر نقطه اجتماعک وجودی واجب اولمشدر .

تربیه ملیه بویه بر نقطه اصلیه به مربوط اولوب تأسس و توسع ایدیکجه بین الانام آمال و احوالجه اونسبتده اطراد و انسجام حصوله کلهرک آسایش و انتظام تقریر ایدوب بر حسن زندگانی عمومی به توصل اولنور .

انسانلر ایچون اک تأثیرلی واک اساسلی (نقطه اجتماع) یارابطه جنسیه و یاخود علاقه دینه در (ملیت) قومیت و دیانتک انضمام و امتزاجندن عبارت بر سر عصیت اولمله ملیتسر بر دولتک وجودی تصور اولنوماز شوقدر وارکه دولتک مواد ترکیبه لری اقتضاسنجه استمدادی متخالف اولدیفندن بعضلرند رابطه جنسیه و بعضلر نده علاقه دینه غالب اولور .

ملت معظمه اسلامییه صفت مقدسه دیانتله ظهوره کلش اوسطوت و قدرته آشیاده ، افریاده متعدد دولتلر ، سلطنتلر تأسس و تشکل ایتمش اولدینی ارباب مطا - لعه نك معلومیدر .

امثال و دلائلی خارجه تحری به نه حاجت متبوع مفخمسر اولان دولت علیه عثمانیه نك فتوحات و مظفریاتی تمداد اولنق لازم کسه هربری فضائل دینه به برهان قویدر الحاله هذه تملك ایتدیکمز لرلرکه جهانک اک قیمتلی قطعات مشهوره سیدر ابقای شان ملیت ایچون افای وجود ایدن اجدادمزک نمونه فتح و اقتداری دیکدر بزجه اهمیت دینه یالکزر عالم عقاده موعود اولان جنت اعلایه

کیرمک ایچون دکل بو نقطه واجبه الاحترامک اطرافنده طوبلاندرق نشئه دنیویه ده کی تمامیت اجتماعیه مزى تأمین ایله برابر حسب - الموقع رقباى طبیعیه مزك تمرضات حریرصا نه سندن کندیغیزی بالمحافظه شو عالمده دخی سایه عصیتده راحت یشامق ایچوندر .

مذهبدن یچمسر یوقدر مذهب عقل و درایت غلم و فضیلت قوتیه ایجاد و اختراع اولنه بیلور . دین و شریعت علی طریق الوحی انبیای عظامه تعلیم و تفهیم بیورلمش بر نظام الهیدر بونظام مقدسک وضع و تأسیسنندن مراد (جذب الخلق الی الحق) قضیه سیدر . دیانت انسانلری صراط مستقیمه دعوت ایدر اسرار توحیدی تلقین ایلر عبدک معبود ایله مناسباتی عبودیتک آداب و ارکانی معرفت نفس ، تصفیه قلب ، تهذیب اخلاق یوللرینی کوستر انسان لفظنک مدلولی اولان معنای حقیقی به وجه وصولی بیلدیرر . شریعت بحسب الاجتماع طبیعت جسمانیه دن تولد ایدن مناسکات و معاملات و عقوبات و سیاسیاتک اصول و احکامی تعریف و تعیین ایله نظام و انتظامی تأسیس ایدیرر .

روح حسدسر حسدرو حسز اوله مدینی کی انسان دخی ناطیقی اعتبار ایله دینسر شریعتسر اوله مز . عقل مدار تکلیف اولد . یغندن مکلف بهک معقول اولماسی اقتضا ایدم جکنه بناء هر دین محیح معقولدر اقایم ثلاثه کی حقیقت توحیده مفار یولان عقل و حکمتله قابل تطبیق اولمیان اختراعات و همیه عقائد عجائز قبیلندیر اکا اعتبار و اعتنا غیر جائزدر .

اقطار عالم ظلمات کفر و شرک ایچنده خائب و خاسر ایکن یعنی تعدد الهات و ربوبیت جهاداته اعتقاد ایدلمش حتی مشهور افلاطون دخی اجتهاد حکیمانه سنده اصابت ایدم یوب الوهیتی حسن و عقل و حیاته حصر و تقید ایله آله ثلاثه نك وجودینه قائل اولهرق بر جوق علما و حکما بومذهب باطله تابع اولوب ره ناصوابه کیدلمش اولدینی و قتلدره بزم دین مینمز بر توانداظ ظهور اولمش کلمه نیره توحیدی نشر و اعلان ایله انوار

وحدانی قلوب اهل هدایت افاضه ایتمش شریعتسر هر درلو استثنائندن عاری عدالت مطلقه یی تقریر و تعمیم ایلمشدر .

قدمای اسلام - اعلاى کلمه علیا و اعلان شرع غرض مقصیده جهاد و غرض یوللرینه کیتمش جهانی تیرتمش علی الخصوص اجدادمز بواوغورده قائلر دوکدرک جانلر فدا ایدرک توسیع مالک خصوصنده کی اقدام وانهما کی رشک آور افلاک اوله جق درجه - لره واردیرمش آیفی باصداقلری لرلری دستیاری عدالتله اعمار و احیا ایلمشدر . بزم ملککتر - پارس ، لوندره ، برلین ، پترسبورغ ، شهرلرینه بکزمه مز بوشهرلرک اهالیسی - وطنلرینک . مؤسس و بانیسیدر جمله سی یار و یک جهت در ایچلرند اغیار یوقدر اولسه بیله غلبه قومیه لری سببیه حکمی اوله مازدار و دیارلرنده امنیت و استقلا - لیت اوزره رابطه جنسیتله باغلامش اولد - قلرندن عزت و استراحتلرینی وطنه خدمتله تحصیل و وقایه ایدرلر بز اوله دکز شوا ایچنده بارینبوب صیفندیغمز لرلر دیانتک بخش ایتدیک فیوضات ایله اجدادمزک آثار فتو - حاتیدر حال و موقع اقتضاسنجه بز وطنلر - عیزی انحق نقطه ملیه ده اجتماع و اتحاد ایله محافظه ایدم بیلورز اسلامیتدن بشقه بزى طوته جق بر رابطه اساسیه مز یوقدر .

اوروپالیر - خرسیتانقله تشکل ایتمه مشدر خرسیتانلق صکرده دن قومیتلرینه انضمام ایلمش بر امر عارضی در نصلکه انگلیزلر ازمه قریبه ده پروتستانلی تأسیس ایله خرسیتانلی تعدیل ایتمش ايسه بالاخره پروتستانلی ده ترك و تعطیل ایلهرک آندن سیککنوب چیمش اولسه لر بیله کندی وطنلرند قوه یتلرله یاشایه بیلورلر هیئت اجتماعیه لرینه خلل کلز . بز اسلامیتله تشکل ایتمشز آنکله یوغورولمش وجود بولمشدر . ملیتسر ، دولتمز بوضورتله تقرر و تأسس ایلمشدر .

الغای بالله تعالی مسلمانلغک اضمحلالی لازم کسه نام و نشانز قالمز محو و بریشان اولورز شو حقیقتلره باقیلنجه فرنگلر ایچون

وطن — دیندر، بزم ایچون دین — و طندر.
واقما کرک غیرت دینه و کرک محبت وطنیه
مقصده بر معنایه چیقار لکن اسلامک
خصوصیت و ماهیتی دیانتله، قائم اولدیفندن
بزجه وطن لاقردیسنه بک اهمیت ویرله مشدر.

§

ملت اسلامیة نك تریة اساسیه سنه مبدأ
ومعاد اعتبار یله وطن حقیقی عالم ارواحدر
نفس ناطقه انسانی به کوره عالم اشباح — ضربت
صاییلور (کن فی الدنيا کالک غریب)
حدیث شریفده بومعنایه ایما بیورلمشدر
فقط شو ایمای قدسیت اتما چوق کیمسه لر
الایش دنیایه مفتون اولوب مال وجاهه
اغترار طریق حقدن ایا ایده کلدیکندن
یا کلش یوله کیدنلری — طاعوتیه پرستش
ایدنلری خواب غفلتدن ایفاظ ایله نم لاهو-
تیبی اخطار ایچوندر یوقسه شریعت احمدیه ده
عظالت و بطالتک یری یوقدر چونکه صاحب
شریعت افندمن مبعوث بالسیف اولوب
اشغالک اصعب واعظمی بولنان جهاد و غزا
الک مقدس ومعتنا سنن سنیه لرندندر.

اسکی وقتلرده زینتلی بنالری یاییلماق،
واسع سوقاقلر آچیلماق کبی آرایش
ونمایشه عطف نکه اعتبار ایدلمهش اولد-
یفندن صورت ظاهرده مملکتلرمن بعض
مرتبه یچیمسز کور و نور سه ده حقیقته تناسب
طبیعیسی، حسن ذاتیسی نظر ربای عقولدر
هر نوع ترفه و ترقی به قابلیت مسلم فحولدر
براز اوتوسی بریسی تنظیم وتسویه ایدیلجه
بک یچملی اولور مالک متمدنه نك ال برنجیسی
صاییلور.

یاهو فتوحات دورلری جان و بروب
جان الاجق زماندر اوزمانلرده تزییناته،
حظوظاته، باقیله ماز فاتحلرک نظر همی تزیین
وتنظیمه منعطف اوله ماز . تزیین وتنظیم
— اخلافه راجعدر سعی وعمل قاعده سنجه
ادخار وامساک — قرانلره، تصرف
واستعمال — قرانیلمش شیئه حاضر قوتانلره
عائد اولغله اجدادمزدن موروث اولان
ممالکی حسن اداره بزه دوشر ارث پدری
هدر ایدر میراث یدیلر کبی ناخلف اولما -

ملی بز حسن اداره به چالیشمالی بز عصرمن
تکامل وتانی به مساعد دکلدر .
عارفی حکمت

تعاون

بربرینه یاردم ایتک دیمک اولان تعاون
انسانلر ایچون نه قدر مهم نه قدر لزومی
برشیدر. انسان درکار اولان عجزی سبیلله
هردرلو وسائل سعادتیه بالذات استکمال،
هردرلو اسباب رفاهیتی بالنفس استحصال
ایده من .

جمعیت تشکیلیله مستلذات حیاتدن
استفاده ایدن بونجه اقوام بشریه حال تمدنه
نه قدر ترقی ایدرسه ایتسون تعاوندن هیچ
بروقنده مستغنی اوله من .

نصل مستغنی اوله بیلیرک تعمیق ایدیله -
جک اولدیفنی حالد تعاوندن استغنا بشریتک
فوقه چیقماق دیمکدر.

شو سعادت آباد مدینتک هر هانکی
جهته خیرانه عطف نکاه ایدلسه براتر تعاون
تجلی ایدر.

تکملات بشریه، انتظامات مدینتی تأمین
ایدن برمزیت عالیه وار ایه اوده انسانلرک
بربرینه یاردم ایتسیدر .

انسان انسانه دائما محتاجدر دین ارباب
بصیرت ماهیت بشریه به جدأ وقوف کوستر-
مشدر.

بی بشرک بربرینه یاردم ایتسی مقتضای
انسانیتدر .

انسانلرک، دنیوی اخروی، هر درلو
سعاداتی تأمین ایتک خاصه مقدسه سنی
حاوی اولان واوله براس الاساس میجل
اوزرینه مؤسس بولسان دین مبین اسلام
وبودین حقلک مصباح منیری اولان قانون
حکم آ کین محمدی مسلمینک یکدیگرینه
اعانه ده بولمنسی صورت مخصوصده اوله رقی
امر ایدیور .

خدای مستعان نظم کریمنده :

وتعاونوا

بیوریور .

حکیم کائنات علیه اکل التبیات افندمن
حضر تلمی ده کمال تجلیات ایله ماللری نقل
ایلدیکمز شو احادیث مقدسه نبویه لرند
اخوت اسلامیة نك ایجاباتندن اوله رقی
بر بریزه اعانه ده بولمنسی امر بیوریور،
امر خیر تعاونک نزد عالی نبویلرند
نه درجه ده ممدوح و ملزم اولدیفنی شو احادیث
شریفه ایله تبیین ایدر .

§

مؤمن قرداشنه اعانه یولنده و آنک
منفعتی حقنده طولاشان کیمسه فی سبیل الله
مجاهده ایدنلرک ثوابنه نائل اولور .

§

مسلم قرداشنک حاجتی ایفایه سعی
ایدن کیمسه نك « حاجت قضا اولنسون
اولنسون » ایتدیکی و ایده چکی کناهلری
جناب حق مغفرت ایدر و او کیمسه حقنده
ایکی برأت یازارکه بری ناردن، دیگرکی
نفاقدن براتندر .

§

اخ مسلمنک حاجتی قضا ایدن کیمسه نك
میزانی یاننده طوره جفم . اگر میزانی میل
ایده جک اولورسه او کیمسه به شفاعت
ایده جکم .

§

مؤمن قرداشنک حاجتی حقنده یول
یورین کیمسه نك هر آدینه جناب حق
یتمش حسنه یازار. یتمش سیئه سنی ده سترایدر.
اگر حاجت کندی معرفله قضا اولنورسه
او کیمسه والده سندن طوغدینی کون کبی
بتون کناهلرندن رها بولور. اگر حاجتک
قضایی هنکامنده ارتحالی وقوع بولورسه
بلا حساب جتنه داخل اولور .

§

جناب حقک عند الاقوام برطاق نعمتلی
واردرکه حوائج ناسی قضاده مداوم بولند قجه
او نم او اقوام عنسدنده قرار ایدر . ملال
کتیره جک اولورلرسه او نم الهیه اقوام
سائر به انتقال ایلر .

§